



Pamebham

'Nimlo : 008 'Su : -Wɔɔ

-Kwɛ : 2005

'su -bha 'sëedhe -mü

Blowo

-Wo kpö =bhlëzë

'Wuntao bɔ 'sëedhe =ne
-më -kë 'ö =bëen ü -de -wo 'gü i ?

-Më -kë 'ö 'wo- =bëen- =Dan -wo
'sloo 'gü i ?

-Më -kë 'ö yaa =bëen' - 'kwi -wo
-nu, =glë'- -wo -nu, 'Lüma -wo -nu
-an gbë 'gü i ?

-Wo =vava -nu 'ö 'kwa -an 'tɔ pö
bhë, -wo -an -dɔ 'kpongtaadhe
-todhö'sü 'gü, -an -bha -kë =bhlëzë
-sü bhë, -wo -zɔn 'kpongtaame
'kpekpe wö 'dhiö -sü 'ka.

-Yö -dhe -ma -kun 'pö kö 'kwa-
-zɔn =ne kwa 'kpö -wo 'ö =Danwo
'ka bhë, -yö 'bhee-, 'yö- -bha kö -a
-bha -kë =bhlëzë -sü bhë 'kwa-
-zɔn me -nu dhë =ne -kɔ 'ö -wo me
'wo to 'kwa -an -bha 'wun ma -a 'ka
bhë -a 'dhö.

-Wo -nu 'ö -Zlan -ya -da
'kongtaa bhë, -a 'bhaa gbë 'yaa

'Sëedhe =ne -a =bëen -sü -gen tɔɔ -më -ɛ?

=bhlëzë -yaan zië ö 'bha -ta. Pë 'yi-
-dhe ka -gɔ 'ö tɔɔ kö me 'ö -dhö -yö
ö -de -wo 'sü -së =ne -kɔ 'ö -wo me
'wo to 'wo- 'ka -a 'dhö. -A -wun 'gü
-yö -dhe -ma -kun kö ü -de -wo bhë
'ü- =daan'.

-A -wun 'gü, yi -bha me -nu
-wun 'gbëzë, 'wuntao bɔ 'sëedhe
=ne yi- -bho gɔu 'dhö kö pë 'ö-
-wun to kwa -gɔ bhë, -ya -ta pa ;
'iin 'zü kö 'wun -nu 'wo kë -na
kwa -bha =daanwo pö 'pian -ta oo,
Kativɔa -se 'gü oo, 'iin
'kpongtaadhe 'kpekpe 'gü kö =kun
'kwa dho -ya kwa tii -bha -a -wun
'gü.

=Ya 'gomü, -yö -së kö 'ü- kë =ne
gɔɔn- 'wo- 'tɔ kpö Samali mi këwun
-sëzë 'ka bhë -a 'dhö. Gɔɔn- 'ö bhë
-yö -kpën me do -bha ziandhö kö
këpyaame -nu =waa- -gi, -yö

waannu -sü 'ka -kpinng 'dhiö. 'Yö-
sü 'yö dhoë 'wo- 'dhe -kë 'yö -kë
'pönöpönö. =Ya kë -be Samali mi
=ne yaa nu me 'wo- -gi bhë -a -dhë
-be -më 'ö dhoë- kë -o? Gɔɔn- 'ö
bhë, -yö -dhö -ga zian -ta 'kpaan
'waawa.

-A -gen tɔɔ 'ö =ya kë ne ü 'ka ü
-de -wo =bhlë -ya -a -bha, 'töng
'bhaa -dhö dɔ 'ö =dhong 'ö go 'se
-ta.

=Ya 'go mu, me 'ü ü -dewo
=bëen' -dhe dɔ, ü -mɔa 'ü dɔ ü
-yayɔɔ -gban -gɔ. -Bhö kë =ne
Samali mi 'dhö, 'ü nu -a -dhë. =Ya
kë =ne 'wun 'bhaa -yö ü -gɔ kö
'üen- =blë'- yi -dhë, yi -bha dresü
'ö =ne :

08 B.P 857 Abidjan 08



L'orthographe DAN Blowo

Voici ce que nous pouvons prendre pour savoir lire et écrire en langue Dan.			ɛ	'pɛ	déchirer	ö	pö	dire
Les consonnes et les voyelles que vous ne voyez pas ici sont les mêmes qu'en français.			ɛɛ	=dɛɛ	aujourd'hui	öö	=töö'	panier
Attention:				=sɛɛ'	natte	u	'su	lune
1. c, h, j, qu et x n'existent pas en dan.			ɛn	-gen	pied	un	bun	corps
2. r ne se trouve jamais au début d'un mot.			ɛɛn	=gbɛɛn	long	uun	'yuun	asticot
Voici le reste de l'alphabet :			'ë	'pë	credit	ü	'gü	intérieur
Lettres	Exemple	Traduction	ɔ	'kaɔ	daba	üü	=glüü'-	frotter
Aa	'kaa	gale	ëen	=klëen	entourer	üö	'güö	brûler
An	'gan	tirer	ea	'kpea	sec	öü	=bhöü'-	tarir
Aan	=saan'	cadeau	ean	gean	scorpion	-Wo 'dho -kɔ (Les tons)		
ɔ	kaɔ	perdrix	gw	-gwö	caillou	1 'lü	ton Haut	arbre
ɔn	daɔn	araignée	in	'bin	fleur, image	2 dë	moyen	père
bh	-bho	cabris	iin	'iin	ou	3 =zɛ	bas	termite
dh	dhe	mère	ee	'gbëe-	fort	4 -tɔ	Tombant	Poule
ë	dë	père	kw	=kwa-	main gauche	5 lan-	moyen + tombant	Soleil
			ng¹	gbeng	nuit	6 'Zlaa-	haut-tombant	Petit frère
			oo	'too	sauce	7 =glaa-	Bas-tombant	Palmier
			ɔ	-dhɔ	amour	8 =laa'	Bas-moyen	panthère
			ɔɔ	=wɔɔ-	singe	9 =See'-	Bas- moyen-tombant :	orange
			ɔn	'yon	huile			
			ɔɔn	=Sɔɔn	comportement			

Kwa -bha =Dan -se 'gü -wun

-Kɔlokota 'wo- -dhe selafen

'Maan -se 'pian -ta, -glu -bha -da kwa -se 'gü -sü bhë =ya 'yaan, -a -wun 'gü -kɔlokota do 'bhaa 'wo- -dhe Selafen (Séraphin) bhë, =waa- kē 'ma. -Kɔlokota 'dhö bhë, -a -gban -gen tɔɔ kē -wo do mē -nu 'ö -glu =ya -an kē 'yenazē bhë, -an -gban

-gɔ. -A -wun 'gü, 'ö =ya kē 'wo sɔ -nu, -bhöpe -nu 'iin mē -nu -mawun -yö -a -bha pē 'saadhö, 'wo- -glu -an 'ka, kō -waan wo -zo kēa wo -de 'piö 'töng 'gbegbe 'ö 'kwa bɔ -na -a 'gü kwa -bha 'se =nē -a -ta bhë -a -wun 'gü.

-A -wun 'gü, -a -dhe -sü -mü mē dodo 'saadhö ka -gɔ, kō mē 'ö -dhö -yö ö -kɔ -da 'wun =nē -a 'gü kō -kɔ =suu' -'ö =suu' -'yö dho ö -kɔ =daa' mē -nu 'wo =nē -an -dhë -ya kēa.

-èYö -kē sɔ 'ka oo, -yö kē -bhöpe 'ka oo, -yö

'wëü -de 'ka oo, -ya kē. -Kɔlokota bhë -a =bidhong -yö 'Maa pē -yaandhe gia -bha, -a 'guungö 'wo- -dhe Liblövillö bhë -a 'gü.

=Dhë 'töüdhö =ya kē ka -gɔ, -ka 'dho =Bidhong 'kpīi- bhë -a 'gü 'ka- 'kpɔ, -wo -dho -a -daa kē ka -dhë.

'Kativaa -se 'gü -wun

-Dadhëü 'në -nu -bha =sɔɔn kē -sü.

-Dadhëü 'në -nu 'wo =zlöö =nē 'waa wo -zota wo -bha -dhekpaa dhia -wun 'gü. -Ka -ya ka 'yaan 'ö tɔɔ Minitrë 'ö yö -dadhëüzē -nu -bha 'wun -dhë 'dhiö bhë, -a -kwe =plē 'yö =nē, 'yö -kɔ 'wo -dhö dā -dadhëüzē -nu -gbangɔ -an -bha -toseadhe kē -sü -nu 'gü bhë, 'yö -dhega -a 'slē kē -kɔ 'bhaa -nu 'gü. 'Kee -zotadhe -nu bhë -a kē -sü 'gü ε, -wa -yö mü =nē : =wa -dadhëüzē -nu

'ö -an -kwe -yö sü 'gɔɔdo ö ga =plē -bha 'ö yöë 'gɔɔplē ö ga -yiisiē -bha, =wa -an -vuuplē ö -ta 'slado waa -dadhëüzē 'gɔɔ- 'sɔɔdhu (2650) kpö 'sü 'kwipö -yaaga 'gü, -a -dadhëü 'në dhoonu -vuu do =Kënnng' 'sɔɔdhu waa mē 'gɔɔ- 'sɔɔdhu ö ga 'slaple, waa -'në gɔɔn- -nu -vuudo 'gɔɔsisiē ö ga -yaaga 'ö =niē' -sü -bha -sü 'koë- =yua' 'dho -an =zēen' -sü 'gü. Bhii 'ö tɔɔ -an -bha =sɛɛ' -kē do -sü

bhë, -an -kwe yaa -mɔ, -wo -yö wo -de -zoë 'zodhö. 'Ö -a -wun 'gü, 'në -nu 'wo bhë, 'ö -sü 'koë- =yua' =plëzē 'dhö -a mē =plëzē -bha. =nē mē 'ö- -kwe yaa -mɔ -a -bha 'gu 'sü -sü -nu 'dhö, 'iin 'gu -sü -de tii -sü -nu, 'iin 'zü 'töng =nē -a 'gü -sü 'koë =yua' 'wo- -dhe 'SIDA bhë -an 'dhö.

-A pē 'ö -dhidhaa -wun 'ka mü 'ö tɔɔ -dadhëüzē -nu 'wo bhë =ya kē -wo wo -de -nu 'taa-

'dhiö- mü -sü, sigatii nu, yɔ -nu, 'iin -dega 'wo- yö -na wo -bha -waan =kun 'dho -na dhe 'piö bhë, -a yö -kɔ yaa -nu, pē -nu 'wo bhë 'tëüdhö, -wa -kē 'ö -an -ma =klang' -wun -nu -wo -zuö 'a 'gü. -Kwa do kwa -bha 'në -nu -gban -gɔ -toseadhe kē -kɔ -sē 'ka kwa 'saadhö kwa -bha 'gludhi -wun 'ka, bhii -a mē do 'klo -yö bhɔ -na, kō kwa -bha -dhekpaa dhia 'ö- 'klo dhö bhɔ -na bhë.

'Kpongtaadhe -wun

Metii -se -bha 'yena kē -sü.

Metii -se -bha kē 'yenazē -sü bhë, -kɔ 'ö mē dho =kpɔɔ' -a 'gü -a 'ka, 'sego 'gblöögblö 'slēaga (8) -wo -dhega 'wun bhë -a 'gü -an -bha -yakoë =va 'wo- -kē Angletē -pö 'wo- -dhe Ekəsü bhë -a 'gü. -An -bha -yakoë bhë -a -ta, 'wun 'wo- =blē -a -ta 'ö tɔɔ : -dɔ metii -se -gbangɔ -kɔ 'wo dhoë- kē 'ö tɔɔ kō -wo 'wëü- -vuu mlia -vuu 'gɔɔplē ö ga -yiisiē, =kënnng' 'slēaga ö

-kɔ do nu -a -dhë, =ya 'go mü, -wo dɛen -nu -ya zian- -sü -nu 'wo 'dhɔɔdɔ 'sego sonng -bha -sü kē -na 'gbee- bhë, -wa =gbaanu. =Ya 'go mü, 'wëü -vuu mlia -vuu 'gɔɔdo ö ga -yiisiē, =kënnng' 'slēaga ö -kɔ 'slēaga ö ga 'slado (14 886) 'ö- pē 'dho metii -se 'gɔɔdo ö ga -yiisiē (14) 'wo 'fɛesē -an -bha bhë, -wo -an -mawun 'to -a 'ka.

Yi- 'piö 'yi ka 'paan bho =nē : -dɛmɛdhe 'ö 'sego 'gblöögblö 'slēaga 'wo =nē 'wo 'dhoë- nu bhë, -a tɔnnng do mü 'ö tɔɔ kō -wo yuö kē 'wëü bhë -a 'ka -sē 'ka, -wo 'se =kɔɔn -sē 'ka 'iin kō -wo dɔ =flüü -pē -sü mē -gɔ -sü -gɔ 'yënnng.

=Ya 'gomü, 'wëü- -a nu 'wo 'dhoë- wo bhë, -a -gen 'bhaa tɔɔ kō -wo zian -nu -yuö kē -a 'ka, -wo =dhongtrɔɔ =plöödhe

-nu dɔ, 'iin 'zü =klang' 'kɔ -nu dɔ -sü -nu, waa 'wun -gban SIDA =yuan' -wun -bha. 'Wun -nu bhë 'töüdhö, -wo -dhoë kē 'ö 'fɛɛ dhosea kwa -bha metii -se -nu 'gü, bhii melü -vuu mlɔn =kënnng' -yaaga ö -kɔ =plē 'wo 'fɛezē giagiawo. =dhe 'ö -kē 'dhö bhë, -kwa nu kwa 'ko -dhë 'slē =plëzē -nu, yuö -nu 'ka =zuöga -kē do -sü 'ka.



'Se 'gla -wun waa - Me =slao -pë -wun

'Wun 'ö-gban 'yuö- -to-sü-bha.

-Dadhëüzë kpö 'ka kö pë -gban 'yuö- -to -
'bhaa -nu =wa kë =dëe wo
-bha 'dhiösümë -nu -gö
=luu' mē 'ka Ayame
'kobhli 'gü kwipö 'wo- -
dhe Aboaso bhë -a -bha.
-Dadhëüzë -nu
'wo bhë, -wa -pö wo -bha
'dhiösümë -nu -dhë: -ka
yi gbaa -kômowuën -sü

'ka kö pë -gban 'yuö- -to -
sü waa- -a 'dhö dō -sü kö
'yiën- kë.
-Wo wo -bha yuö
bhë -a züdo 'wëü -vuu
mlion =plë waa ö 'gbu 'ka.
=Dhe 'su 'slado ziö -yi 'ka,
dō 'kwa wo =dëe nē yuö
'wo- -kë bhë -yan =saan
bho-sü 'gü, =ya ke 'wëü -

vuu -yaaga 'iin 'wëü -vuu
'göödo -nu 'wo =slao -
dhekpäyi dō 'ka, -a -de
kwa dhoë- pö 'wëü -vuu
'göople.
Pë 'yi- 'piö 'yi-
=blëe' - 'ö tō, 'yuö- -to -sü
bhë, -yö 'wëü -slao -a 'gü
-pë dō 'bhaa 'ka -dadhëü

-nu 'iin mē zii -nu -an -
bha 'ka.
'Go mē 'ö -dhö -yö
=zlao =kpao 'sü 'wun
=zōan =nē -a -ta kö -wo
'dho wo 'ko =bhaa -waan
yuö -nu 'slë =mëe' - =nē -
kö bhë -a 'dhö. =Faan' kë
ka -gö =va.

'Wun 'ö-gban -potaasü-wun -bha. 'Wun 'ö-gban -bhöppë yaa 'yua -bha.

'Dhiö -sü kwa -bha 'se 'ka
-mē -nu =wa bō kwa -bha
=dhongtrō -nu -bha minitrë -ta,
-wa -pö wo -dhö dō -bhöppë yaa 'yua
-gö 'yenng. 'Këe kë- wo 'dhö bhë,
-kōlokota dō 'bhaa 'wo- -dhe GEN
(gain) 'ö go swissü bhë, =ya 'wëü
-vuu mlia dō waa mlion =kënnng'
'sōdhu, yuö =bhlëzë 'ö bhë -kö
-dōago -pë 'ka. Yuö bhë -a -gban -sü
-gen tō kö -wo -bhöppë 'ö =faan'

-nu mē bun -dhë wo- dhe vitaminö
bhe, -wa kë.
-Kōlokota 'wo- -dhe GAIN
'dhö bhë, mē -nu 'wo dhö dō -an
-gban -gö 'wo tō : HKI. Mē
bungüdhë -bha bhöppë bhë, -wo dō
kwa -gbangō kö pë 'ö -dho kë 'në
-nu 'iin dhoonu -bha ga bōata 'ka
bhë -yaan =gbaanu. -Wa -pö 'në
'kpö -dhoonu -dhë -wo -bhöppë -bhö
ö -bhö -kö -së 'ka, 'iin kö -wo

-bhöppë -siëgü kë. =Ya 'gomü, 'tōng
'wo- 'ka 'guzë bhë, -wo 'dho
=dhongtrō -nu 'piö -kplawo kö -wo
-an -ga. -A -kë 'dhö -sü bhë,
-potaasü -dhö kë -an -gö kplawo.
-Kō dō bhë -a 'ka 'ö 'në -nu 'dhoë-
'ka, bhii 'ne 'ö- bungüdhë 'dho
potaasü 'ka -yö -kpëa -bla 'ka së 'ka.
-Kwa kwa -zo ke kwa -bhöppë 'piö,
kö 'kwa pë bhö ö -bhö -kö -së 'ka

Bho-sü =plëezë

-A kë -sü kö mē =plëezë
-wa -dhö kë gbaö -pë 'ka bhë,
kwa -dhö =kploo -a -wun 'ka a?
=Taan' 'ö -kë 'dhö dō mē 'ka -a
-bha 'wun -gen pë 'bhle =nē -ka
ka 'toto -a -bha. 'Yinia -yi dō
'ka 'yö dho kafeyi 'kōadhö, 'yö
-kpën ziö -mē dō -bha, 'yo-
-dhe kafeyi 'ka. 'Ö gōon- bhë
'yö- pö -a -dhë : =iidhō, =ya dhi
-bhö 'dho ü 'dhiö, ü zuö =duö.
'Ö 'dhö dō mē =sia 'yo- pö : gbaö
'a- -kë ü -dhë -bhö nu.

'Wun 'ö-gban gbaö kë -sü -bha.

=Dhe 'ö- pö 'dhö 'waa
kö gōon- bhë -ya pö -na : =ëë,
'ma- ma, kö -yö -së, -ka -ma
'taasü dō dan. 'Wo- dan 'wo- nu
-a -dhë. =Dhe minitö 'göödo ö
ga 'sōdhu (15) =ya ziö, 'yö- pö,
-ka 'taasü 'gü dō 'bhaa nu 'zü,
bhii kafeyi bhë -a din -kë -së.
=Dhe =ya kë 'dhö 'ö
'dhö dō mē =Taan' -ya pö -a
-dhë: -a mē bhë ö dhoë- dho
zlö; 'wëü 'göople (20) -mü. 'Ö
gōon- bhë 'yö- pö -a -dhë : -aa
kö -yö -së, -yö 'to 'dhö, yi gbe
'ka.
'Ö kwaa kwa -zo kë kwa
-de 'piö, -ya gbaöpë -dhö 'ka
-sü -wun bhë, kwa -dho kwa
-de kë -dhidhaazë, 'iin 'zü kwa
-dho kwa -de =bhlë bho kwa
-ta. =Dhe -kë 'dhö, -kwa dō kwa
-bha 'ne -nu -gbangō kö =kun 'ö
-ya gbaöpë =dhöa' -sü, 'iin pë
-yö -feifeidhō -sü -dho dhoë- kë
kö -waan wo -de 'dhö dō, 'iin
'zü -waan wo -de =bhlë bho wo
-ta.

'Yee -wun

Gōon- dō bhë, -yö kë bu -
blükemē 'ka, 'Yö dho 'tōng dō 'ka -
büö -da =dhia 'ö gbö -dhë 'kwi
=plö. -A -bha -wo 'kwi =plö -sü -
blëezë =nē 'ö dhoë 'dhö bhë. Gōon-
bhë -dhe =ya 'po, =tele bho -sü zü
=ya dō, -a -ga -sü 'ö =yaa 'sü =nē, -
bhöppë 'yö- bho -a 'dhiö. =Dhe 'ö-
-dho plö -yi 'dhö 'to -na 'tee, 'ö-
gbö -ya -bha 'blükë -bu -dëü dō dho
'yö- nu -a -dhë. 'Ö- dō ö -wodhe
=bhaa. Yi dō 'ka =dhe 'ö- gbö -yö
dho yuö 'dhiö, 'në -nu =wa 'dho
=klang' 'dhiö ; -a gbö bō 'ö wo -nu
'wo to bhë, -yö -bhöppë -kpa =dhia.
=Tele -ga mē 'ö dhoë- wo zlö bhë,
-dhe 'ö- -ga kö =zloo gōn =va bhë,
=ya -wo -a 'dhiö =tele 'gü -gaan
dhö. 'yö =luu- 'wa -slëedhō , bu 'ö
=sia, 'yö -sü, 'yö nuë kö 'yaan -dëü -
dhe 'gü dan =zloo -bha. =Kwëesemē
-kö dhe 'siö- -zë -mü. -A bu 'sü -sü,
'böü, kö bu =ya 'we =zloo waa =tele
-an -bha. -Venng, =tele =ya 'kan
'koë-, 'këe 'yaa -kpën -na
=zloo =glö -bha.

Kese

Alüfönsë

-Piën

<<=Nëng'-gen-viin 'yaa dɔ.>>

--Piën 'ö kwa -mɛ
-nu 'dhoë- bɔ -na bhë, -wa
-kë 'dhö kö -yö kë kwa -zo
-büö -pë 'ka. 'Töng 'kwa dɔa
=nɛ, -yö 'töng yaa giagia 'ka,
'wun -sü -dhe 'yaa mü
=gbɛɛn.

-Dadhëü do -yö -go
ö -go plöö 'ö -kë 'dho =dhia
pö- gbɛ 'gü. =Dhe =ya ziö

'siödhe do -bha, 'ö -kpën mɛ
do 'ö 'bhlaa 'dhoë- -go -a
-bha. 'wo 'ta su wo 'koë -së
'ka 'wo dhoë. Wo 'to 'wo- to
kö mɛ -nu -wo =gblaagbla
-na 'gbee- 'ka wo =woë'
=nɛ : « =kwaan -mɛ, =kwaan
-mɛ, », kö -bla -mɛ -nu =wa
-lo 'saadhö. -A 'ta 'yoo 'ö
'bhla -yö -kë -a -go =sia, kö

=ya ziö -bla 'ka, =ya 'bhlaa
'to sia-. 'Ö -dadhëü 'në bhë
'wo- kun, 'wo- -ma, 'wo
dhoë =zang -nu 'dhiö 'kwi
=plöö. =Zang -nu -de 'pö,
'wo dhoë 'Zusü =plöö (zadɔ
'go 'koodhö). Za dɔ -yi 'ka, 'ö
zadɔ 'go 'wo- -dhe 'kwiwo
'gü 'Zusü bhë 'yö- pö
-dadhöü 'në bhë -a -dhë,

-më -kë 'ö waa 'bhlaa
=kwaan -mɛ 'wo -ta wo 'koë
ɛ ? -A -wun 'gü 'wo -kwe
'soodhu (5) -kansa nu -a
dhë.
(=nëng' -gen -viin -giagia
'yaa dɔ)

Kese Alüfonsë

'Wun-tao

1)- 'Sëedhe -be 'në -nu 'ö- -an -yö plaan -sü 'yaa =gbɛɛn gbɔ 'wo =nɛ :

1) " *Yesu Klito tɔɔ 'kpongtaame -nu Dhame "*

2) *Yesu 'Klito -bha mɛ =daan' -wo -nu*

3) -A mɛ 'ö -gban 'Lükia -bha mɛ kë kö waa- -a 'dhe kë -kö -bha 'Wo- -dhe : **=Göö- waa- 'lükia**

4) *'Yua =plëzë waa- ö 'dhe kë -kö -nu*


2)-

-kwa -Zlan zuö pö =va 'wun
-nu 'ö- kë -na kwa -go 'sɛ 'gü 'töng
-kaanta 'kwa- 'gü =nɛ -a 'ka bhë -a
-wun 'gü. Yi =klang' 'ö -gban =zuö'
'gü bhüö -dhebokɔ -bha -a -wun
-blɛɛ 'sɛgüme 'kpɛkpɛ -dhë. -A
=klang' 'dhö bhë, =waa- kë 'saadhö

=ya yën. Mɛ -nu -wo -kë -a -ta =va,
'yö- 'yi -kan mɛ 'dhi giagiawo.
-Kwa -Zlan zuöpö mɛ -nu 'wo wo
-de nu =klang' bhë, 'wo mɛ -nu
=daan- -a 'ka bhë -a -wun 'gü, 'iin
'zü mɛ -nu 'wo go wo =plöö dodo 'ka
=klang' bhë -a -ta bhë -an -wun 'gü.

Pë -nu 'wo- =daan =klang' bhë -a -ta
bhë, -wo -dhö -a -da yuö 'piö -dëü
=nɛ, kö mɛ -nu 'ö 'wun 'gbee- -yö
-kë -an 'ka, 'ö =wa -gi wo =zuö' 'gü
-glu 'töng 'ö 'kwa- dɔa =nɛ -a 'ka.

Pë 'bin =plɛ 'wo =nɛ -wo -bho wo 'koë- 'kɛɛ -a do =zaadhe 'slɛaga -ya -bha -an =mɛɛ'-



'Ka yën 'sëedhe =nɛ -a pö -sü -bha -ka ka -bha -zotadhe -nu bɔ yi -dhë. Yi 'yan -yö ka -bha 'sëedhe -nu -go.

Mɛ -nu 'wo 'sëedhe 'ö =nɛ -a -bɛɛn -an 'tɔ 'wo =nɛ Sai Zoziasü, -Kese Mɔyan, Zafe 'Dhooḡbö, Valangten
Vidrinö waa- Edhena Pɛdhekwalösökaya 'wo go Lusi-se 'gü 'ö yöë Hanɛsü 'ö go suisü -a -bha.
Yi -bha 'sëedhe kë -dhe 'nimlo 'ö =nɛ : SIL 08 BP 857 Abidjan 08 Tel : 22 43 12 72